

萬曆起居注

北京大學出版社

封面提字：陶俊山

封面设计：周永喜 高立明 何景贤

万历起居注（全九册）

北京大学出版社出版发行

北京大学图书馆文献部印刷

1988年10月第一版 1988年北京第一次印刷

787×1092毫米 1/16

印数：1—200册

ISBN 7—301—00612—8/K·041

定价：

出版说明

这次正式影印出版的《万历起居注》是迄今存世的最早的起居注。起居注由来已久，先秦史官的职责就是记录帝王言行，「君举必书」。汉代始有起居注名称，汉武帝时有所谓《禁中起居注》，东汉时有《明帝起居注》。北魏孝文帝太和十四年（490年）第一次设立起居令史之官，另有修起居注、监起居注等官，专门记录皇帝言行、朝政大事，起居注制度逐渐完善起来，至明清历代相沿仿效。明朝中期一度中断，但到万历时又恢复了起居注制度，今存《万历起居注》即当时记录的传抄本，也是清代以前历代仅存的较完备的起居注。

起居注是历代王朝修实录与正史的主要依据。由于起居注是皇帝近侍史官原始记录，史料不仅具有原始性，而且也更具有真实性，是一朝的大事记录。所记不仅包括皇帝言行，而且广泛记录一代政务活动、财政经济、政治制度、国典朝章、官吏任免、军事活动、历史事件、民族关系等等，记事不厌其详。然而，明清以前，正史修成，起居注、实录便付之一炬，不留一字，唯恐泄露其中秘密。明清实录幸被保留，而起居注则不免毁灭。

厄运，今存《万历起居注》、《康熙起居注》等，实在是凤毛麟角。

《万历起居注》虽系旧抄本，仍为海内稀见秘笈。据千顷堂、澹生堂书目载为二十卷，今本不分卷，当非一本。这次出版的《万历起居注》是北京大学图书馆所藏明末清初抄本、民国抄本补配而成，是今本中最完整、记事最多的一个本子，其中元年的记事部
分，为北大馆独家所有。今天，这部起居注第一次影印公诸于世，为明史研究又提供了大
量稀见史料，这无疑是在海内外社会科学学者和广大读者盼望已久的福音。对于各学校、研
究单位、公共图书馆来说，它也具有永久的保存价值。

北京大学出版社一九八八年七月十五日

萬曆三十二年正月壬子朔輔臣詣



賀正 賜一貫燒割一分酒飯一卓甜食

薑一金鯉廣共燒割一分每酒飯一卓甜食

伏薑一金待茶復 賜上尊珍饌

七日戊午以 立春令節 頒賜三輔臣上尊珍

饌

十日辛酉大學士沈一貫沈鯉朱賡 題歲前十

一月十五日伏蒙 皇上手札時逢陽長適過 聖

母 萬壽節御等條具祈 天永命保國安民事宜

詳擇施行欽此王等奉 命不勝踴躍當即草具短

章而因捕奸方急未遑進 御迨今三陽啓泰萬國

未 朝正觀聽一新之會恭逢 皇上三十二年久
道化成之日又恭迎 聖母六秩周甲齊 天伊邇
之辰 仁人事 天當為 祖宗延萬萬年無疆之
祚 孝子愛 日當為 聖母造萬萬歲無疆之福
福由心造機不在遠祚以德延事不容後 皇上于
歲前尚以陽長之慶 喜筵之觀興祈 天永命之
念其在今日更當萬倍 留意旋乾轉坤此臣等所
以百拜稽首而凝望者也 臣等後思脩政興捕奸本
同一事政若克脩奸自得獲惟此輩輕諫 朝廷藐
視法紀由來有漸以致于斯元氣充實百邪自消故
捕奸其小者也脩政其大者也如頃者 皇上因此

一事而大綱 天性慰諭 東宮使 慈極之心益
愉 國本之謨益固 宮庭尤加雍穆 朝署尤加
肅清則以一至拂意事而昭警戒震動之誠發 俊
偉光明之業天下有誦萬世有傳豈不至盛至盛得
更多與夫王道莫大于 明倫建極啟後垂昆次則
肅紀振綱施仁布德而其要機惟在於分職授任
進賢黜不肖 皇上不難舉其大何難舉其小特一
加之意耳蓋開治天下之道第有經常本無奇策特
曰不懲不怠率有舊章書曰盤于先生成憲其永無
愆故祈 天永命保 國安民之術備在舊章成憲
至矣志矣書曰與治同道罔不興與亂同事罔不亡

夫治何以言道而亂何以言事俾自先王之謂道則
自一己之謂事以法御情之謂道以情立法之謂事
道與事不同治與亂類異道無弊而事有弊道可久
而事不可久安可不深辨也今之時政說于舊章成
憲者多矣而莫甚于礦稅萬民苦之百僚爭之即 皇
上亦自知其不便而每托于權宜以示 仁愛之心
此非祈 天永命保 國安民之術亦既昭昭矣何
不曠然發一 德音盡罷止之出民于水火之中措
之衽席之上乎 大聖人作為舉念即是何難之有
而久此遲回竇臣等之所未解也其他所謂肅紀振
綱施仁布德雖遊數之不能終物而略舉其大莫急

于拯災民室盜^誘法網釋久繫罷宣索寬商困緩工
作急河役凡在諸臣屢有補贖不必臣等一一多喋
然本祖宗累朝之典物皇上初御之常事如曰
用飲食至無難者惟聖見過于高明而遺于中庸
自雄神聖而謂羣臣莫及故視祖宗以為不足
法人言以為不足恤而不知以古之道揆今之事大
不符合使天下有理外之事可耳如果無理外之事
也何可不寒心哉王等指事救失日亦不足竊謂惟
得賢人而布列有位則興道致治扶危定傾無可推
托咸有賴藉故補官授任愛惜人才進賢退不肖尤
急務也蓋天下無一人獨運之理亦非寥寥數人所

能支持者 祖宗因事設官為官求人 以人任官以
官舉事 交相為用 始得其濟 今禮兵尚書久缺吏部
又缺六部侍郎止四五人 南京部院尤缺 巡撫特遣
重任也 而河南久缺科道官 向無滿三考者 今踰九
載而不遷 起補選補考補多未下 郎曹日壅 方面半
虛 官不得人或闕署而皆空 人滯于或十年而不調
壯夫懷銷蘊之憂 白首起蹉跎之嘆 至於批鱗畫馬
放逐遠繫之臣 槩從淪棄 一斥不返 三木囊頭 經年
長繫 怒畢而末解 思屢布而未靈 必也後仁
之日 勝殘去殺 而恥言之何可 令有白陽 獨泣之夫
也 自昔人主 誰不願得忠義之臣 而用之 願忠義雖

出於天性而感激實生于主恩故曰體羣臣則士之
報禮重人臣出身事主為升斗祿耳予之則頌聲四
起抑之則怨讟並作人自為聲名計宜必樂其頌不
樂其怨矣頌聲起則精神奮而事舉怨讟作則心志
睽而事廢人主自為政事計宜必樂其舉不樂其廢
矣故使人咸遂其欲者人主所以自遂其欲也使人
咸快其情者人主所以自快其情也哉 聖祖立國
置文武官若干員與天下賢才共之 聖祖豈輕予
人官者哉以為廣順人情而後可總集吾事也當是
時訪山披澤而著之律令有寰中士夫不為君用之
罪惟恐人不為 朝廷用也豈有輻輳待陰願棄之

乎如謂今人多為身謀少為國謀無可以信任者
獨不念雲龍風虎勢本相須取人以身氣數自合未
有有是君無是臣之世也如謂今人饑未附人飽
即颺去不必為之思待獨不念國士之報逾于象人
感過狗知人之常性未有厚其施不厚其報之理也
如謂今人巧於避事無可避乃肯任在督責之使盡
其力不必置副以分其心獨不念牛馬之力虐使而
盡豈于用人而可無副佐也如謂今人拜官公朝
謝恩私門宜靳之而渙其羣不宜聽之而成其黨獨
不念率土之濱莫非王臣靳之恩益歸于下聽之恩
乃出于上也至于擗弃之臣縲紲之士身負創痛

孰不求生 日月在天誰甘永絕使功不如使過自
古記之牴牾可原懲創可念許以自新又誠 明主
事安可久斯此一 思也夫人才之在天下猶卉木
之在山林也愛惜之儲養之始得其用棄置之踐踏
之立見其盡今一舉事即愛乏才亦因上之人無愛
惜之心儲養之道耳唐臣陸贄有言曰太慎廢官太
精失士望得彌失務精益求精蓋獨任于聖聰披擇
頗難于公舉遂使先進者益凋後來者難接古者求
才貴廣考課貴精課責之嚴進退之決不肖者旋黜
才能者驟升非但人得薦士亦得自薦其才所薦必
行所舉必試故人稱知人之明朝得多士之用臣等

接贊此論實今之藥石也願 皇上書之座隅焉夫
一年之計樹穀十年之計樹木百年之計樹人可不
念哉太凡圖治之要不越理財用人二者而已財有
常經拂經則暴橫人有常職曠職則空虛 皇上視
財太重視人太輕取財太詳任人太略 國勢漸傾
弊皆坐此而其原則起于弁髦舊章曾子有言尊所
聞則高明矣行所知則光大矣高明光大不在乎他
在乎加之意而已 皇上之于所知所聞也得無有
未加意者乎誠宜 開張聖聽凡事于舊章加意急
罷礦稅尤急補廢官惜人才則所以凝 上天之景
命奉 祖宗之寶曆承 聖母之歡心錫 子孫之

鴻休者成在是矣臣等托在股肱誼同休戚否極當
秦惟此一時幸 皇上渙啓天心勤懇下問脩舉舊
章至易至簡望片言即悟朝奏夕行不虛此一書幾
會顯章露奏恐犯好名之譏謹以揭帖奏聞庶幾斷
自 宸衷澤由上究使天下萬世咸誦 聖德之美
復見 唐虞之盛因擬 諭旨四道隨 進惟 聖
明裁擇施行幸甚 諭吏部朕思致治之道全資用
人祖宗設一官必有一官職掌原無虛濫但今各官
薦舉論列多恣已私大臣會推亦多徇情市恩苟且
塞責屢命再推未見真實堪用之人故久未點發卿
世卿雖暫攝部事然素懷公明藻鑑朕信任有殷可

借爾僚屬將屢次會推兩京大僚通行評品更定前
後次序開寫來看但求真才勿論官次有不堪的不
妨刪去朕當精閱點用今大察之後天下員缺數多
也都作速推來務要如前精舉其欽降罷閑人才有
可用的懲創已久難以終棄但其間賢愚忠奸天淵
不等可嚴加旌別將真堪及時起用之人先舉十餘
員來看毋得徇私冒濫孤朕特任之意如論遵行
論戶工二部朕以大工浩繁財力不繼暫行礦稅資
出權宜今兩宮業已告成三殿次第可舉朝夕軫念
四方不忍重為民困方今春和布德一切礦稅着盡
行罷止咸與休息差去內官文到之日便馳驛還京

司房厚奏人等俱着撤去不許仍留地方致貽後患
其錢糧已徵在官者照數解京毋許侵匿未徵者都
與蠲免因而作弊者查出治罪不饒如諭遵行 諭
戶工二部朕以大工肇興錢糧絀乏暫行礦稅免累
小民本是權宜實存德意然利之所在弊竇叢興訪
得各差內官多信聽參隨等人雜以奸棍恣行侵暴
害民激變利歸羣小怨歸朝廷殊可痛恨本宜一切
停止但今兩宮雖已告成三殿尚在經始難以盡停
姑着差去內官暫住地方聽撫按官督令有司照歲
額包徵送內監轉解安靜行事候旨停罷其司房原
奏及委官人等悉行撤回不許容留地方違者撫按